



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1703.

**urn:nbn:de:hbz:466:1-29436**

fuit, stetit tamen vita Ducis Holsatiæ primi à Rege Sueciæ Generalis.

*A N N U S 1703.*

**I**ngens terræ motus Romandiolæ & Romæ horrendam urbium 86. hominûmque 15000 edidit ruinam.

Sabaudum Cæsareas reperentem partes Gallus invadit, Ducisq̃ue legiones suis sub signis hæctenus militantes Rex exarmat, captivósque detinet : cui Stahrenbergus cæso Albergotto cum 16000 succurrit.

In Hispania publico decreto Domus Austriaca & Sabauda à successione Monarchiæ Hispanicæ excluditur. Andegavensis Ducatum Mutinensem Fisco subjicit, quod Dux ejusdem faveret Austriacis.

Ulyssipone fœdus Cæsareo, Anglo, Lusitano, Batavicum cuditur in favorem Caroli Austriaci. Vicissim bellum Lusitanis Madriti denuntiatur. Classis fœderata Majorcam, Minorcam & Sardiniam deditione accipit.

Viennæ in Franciscum Ragotzium bonorum confiscatio & capitis sententia publicatur, qui cum Perezinio collecta rebellium manu crudelius turbat Hungariam, auctus subinde Gallozum stipendiis crescit & in

Moraviam totamq; Hungariam Presburgū  
usque inhumana crudelitate effunditur.

Maria Josepha Archiducissa Austriae 9  
Apr. fato cedit.

Bavarus Neoburgum, & Gallus ma-  
nimentum Kehl occupant. e contra Rhe-  
nobercka 16 Jan. cedit Brandenburgicis &  
Bonna 14 Apr. Anglo Batavis sexto oppu-  
gnationis die tum tormentorum multitudine,  
tum Cohornii dexteritate, Galli interea  
Leodio frustra tentato Tongrim occupant.

Cæsareus exercitus Bavariam invadit, Ba-  
varus e contra data legatis Imperii securitate  
Ratisbonam deditioe capit. Villarius suorū  
5000 cæde à Cæsarianorum linea Stolhovii  
rejectus, occupata Hornberga, Hirciniam  
perrumpens sylvam, cum exercitu 30000 ad  
Bavarum tendit, qui Elector intercepto Kuf-  
steinio Tyrolensem ultra Oenipontum in-  
vadit comitatum, spe tum occludendi Cæ-  
sareis in Italiam transitum, tum cum Gallis  
in Italia se conjungendi, sed rusticorum vi-  
gilantia & egregia fortitudine cum ingenti  
suorum clade miserè eliminatur. Vendomi-  
quoque ex altera Italia parte intercepto Ver-  
cello Tyrolim ultra Tridentum ingressus  
rejjicitur, abitq; felicior in Sabaudia  
tenta-

tentaturus aleam. Melius res cessit Electori Bavaro in Bavaria, ubi Comitem de Stirumb inopinato aggressus fudit præterque cæsos cum impedimentis captivos insuper multos retulit.

In Alsatia Brisacum urbs natura & arte munitissima octiduanâ oppugnatione in Gallorum abit potestatem non sine proditionis suspicione.

Proximè Antwerpiam cæsus fuisset à Boufflerio numero longè superiore exercitus Batavicus, Obdamio non satis circumspecto nec generoso; nisi Germanum reperissent Galli militem, & Schlangenburgum Ducem, quorum virtute rejectus est Boufflerius cum jactura 5000. Hujum & Limburgum deinde cedunt Fœderato militi.

12. Sept. suum in Hispanias jus Leopoldus transfert in Carolum filium secundo genitum, qua declaratione facta, Carolus iter in Lusitaniam auspiciatur 10 ejusdem.

Germani Landavio obsessio dum parant succurrere, aguntque inter epulas securius die D. Leopoldo sacro ad amnem Spirensē turpi mulctantur clade, quam tamen vitā sua emit Præcontalius. Unde Landaviuni

victoribus Gallis submittere sese cogitur, eisdem quo anno superiore Josepho se dederat conditionibus.

Ingenf in Anglia, Hollandia, Brabantia, Gallia, Suecia, Germania tempestas irreparabile terrâ marique damnum intulit 8 Decembr.

14 Decembr. Augustam Vindelicorum Bavaricus miles occupat.

Geldriam urbem, quam annum fere integrum circûfessam tenuerant Brandeburgici anno hoc exeunte, tandem deditione capiunt.

Sueci in Livonia magnam Moscis cladem inferunt, at recipiunt vicissim ipsi non exiguam ad Narvam urbem. Propudiosa hoc anno Polonis ferrur à Sueco pax proposita, vicujus Rex postulat 1. sibi, Regi Porussiae & hæreticis omnibus liberum in Polonia sectæ suæ exercitium, vocémque tum activam, tum passivam in Comitiiis. 2. Insuper Regem Potussiae ut agnoscant. 3. Præensionibus suis plenè satisfaciant. 4. Et denique regnum Augusto Regi hæreditarium transcribant. Quæ cum rejecta esset ab Augusto & Polonis, victricia Sueci per totum regnum arma circumferunt Thorunium,

nium, Mariopolim, Elbingam subjugant, deletis insuper 7 à Varavia milliaribus magna clade Saxonibus.

*ANNUS 1704.*

**F**errariensis ditio à Pontifice Gallis simul & Germanis sive serio, sive dolo Gallico interdicta. Excedentibus Germanis Galli in eorū nidū involant, magno Cæsareanorū detrimento, cæterum anceps in Italia fuit belli alea, jam in hanc jam alteram partem inclinante victoriâ. A Cæsareis ad montem Chiari Gallorum equitum 1600, Pyrobolariorum 1000, cincti & ad unum omnes prope interfecti sunt. In Pedemontio quoque respirare non semel visus est Sabaudus Germanorum ope, Gallis per velitationes varias fufis, fugatisque. A Gallis econtra levioribus in conflictibus non semel quoque triumphatum, capta Susa, & Vercellum. Obiit è feбри calida junior Vaudemontius maximæ expectationis Princeps, parente suo hoc felicior, quod & in fide Cæsaris, & victoriarum cursu obierit.

In Germania uberores Cæsari & Fœderatis crevère Laureæ. Primam dedit mons Schellenberg sed non sine sanguine, eum probe circumvallatum à Bayaris, aggressi